



# Xalq so'zi

O'zbekiston —  
kelajagi  
buyuk  
davlat

2024-YIL — YOSHLAR VA BIZNESNI QO'LLAB-QUVVATLASH YILI

1991-yil 1-yanvardan chiqa boshlagan

WWW.XS.UZ

E-mail: Info@xs.uz

2024-yil 27-may, № 103 (8726)

Dushanba

Saytimizga o'tish uchun QR-kodini telefoningiz orqali skaner qiling.



## ROSSIYA FEDERATSISIYASI PREZIDENTI DAVLAT TASHRIFI BILAN O'ZBEKISTONGA KELDI

O'zbekiston Respublikasi Prezidenti Shavkat Mirziyoyevning taklifiga binoan Rossiya Federatsiyasi Prezidenti Vladimir Putin 26-may kuni davlat tashrifi bilan mamlakatimizga keldi.



Toshkent xalqaro aeroportida Rossiya Prezidentini davlatimiz rahbari Shavkat Mirziyoyev kutib oldi.

Oliy martabali mehmon sharafiga ikki mamlakat davlat bayroqlari ko'tarildi va faxriy qorovul saf tortdi.

Shundan so'ng Prezidentlar "Yangi O'zbekiston" bog'iga tashrif buyurdi.

An'anaga ko'ra Rossiya rahbari Mustaqillik monumentiga gulchambar qo'yd.

Majmuani qisqa ko'zdan kechirish davomida oliy martabali mehmonga ushbu me'moriy ansambl mazmuni va o'ziga xos jihatlari haqida ma'lumot berildi.

Tashrifning asosiy tadbirlari 27-may kuni bo'lib o'tadi.

Oliy darajadagi muzokaralar davomida rahbarlar O'zbekiston bilan Rossiya o'rtasidagi keng qamrovli strategik sheriklik va ittifoqchilik munosabatlarini yanada rivojlantirish va chuqurlashtirish masalalarini ko'rib chiqadi.

Sammit yakunlari bo'yicha ikki tomonlama hujjatlar to'plami qabul qilinishi rejalashtirilgan. Prezidentlar, shuningdek, O'zbekiston va Rossiya hududlari kengashining birinchi yig'ilishida ham ishtirok etadi.

O'zA.

O'zbekiston Respublikasi Prezidenti  
Matbuot xizmati surati.

## BIZ Ba JAHOH

### O'zbekiston va Rossiya o'rtasidagi strategik sheriklik yangi bosqichga ko'tariladi

Rossiya Prezidenti Vladimir Putinning 26-may kuni O'zbekistonga boshlangan davlat tashrifi xalqaro siyosiy maydonda yuqori qiziqishga sabab bo'lmoqda.

Rossiya va xorijiy mamlakatlarning ijtimoiy-siyosiy va ekspert doiralari orasida ushbu tashrif O'zbekiston — Rossiya ko'p qirrali hamkorlik va strategik sheriklik munosabatlarini rivojladigan muhim bosqich deb atalmoqda.

Rossiya vakillari tashrif haqida "Dunyo" axborot agentligiga munosabat bildirar ekan, jumladan, quyidagicha fikrlarni bayon qilishdi.

Vladimir DJABAROV, "Yedinaya Rossiya" partiyasi a'zosi, Rossiya Federatsiyasi Federal Majlisi Federatsiya Kengashining Xalqaro ishlar bo'yicha qo'mitasi raisining birinchi o'rinbosari:

— Bugungi kunda Rossiya va O'zbekiston o'rtasidagi munosabatlar, birinchi navbatda, ikki davlat rahbarlari olib borayotgan siyosat tufayli juda yuqori darajaga chiqdi. Mamlakatlarimiz yetakchilari o'rtasida juda iliq, do'stona va ochiq munosabatlar shakllangan.

Davlatlararo va xalqaro masalalarda O'zbekiston bizni qo'llab-quvvatlayotganini sezib turibmiz.

O'zbekistonni doimo ilqlik bilan eslaymiz, chunki ikkinchi jahon urushi yillarida o'zbek zaminini yuz minglab odamlarni qabul qildi, ularga uy berdi, evakuatsiya qilingan ko'plab korxonalar urushdan keyin O'zbekistonda qoldi.

O'zbekiston men uchun alohida mamlakat, chunki o'zim samarqandlikman — shu zaminda o'sib-ulg'ayganman. Kichik vatanim desam ham bo'ladi. U bir paytlar Tog'li Qorabog'dan kelgan bobomga boshpana bergan.

O'zbekiston Markaziy Osiyo davlatlari orasida eng katta insoniy salohiyatga ega davlatdir. Mamlakat muhim strategik xom-ashyo konlaridan tortib, qishloq xo'jaligi va energetikani

rivojlantirish uchun barcha sharoitga ega.

O'yilashimcha, hamkorlik uchun ko'plab imkoniyatlar mavjud. Inson kapitalining ulkanligi esa o'zbek yoshlarini ish bilan ta'minlaydigan qo'shma korxonalar tashkil etish imkoniyatini yaratadi.

Mamlakatlarimiz o'rtasidagi bugungi munosabatlar serqirra bo'lib, bular qatoriga ham parlamentlararo, ham idoralararo, ham hududlararo aloqalar kiradi. Biznes vakillari o'rtasidagi munosabatlar faol rivojlanmoqda. Madaniy-gumanitar almashinuvlari esa alohida ta'kidlab o'tmasak bo'lmaydi.

Rossiyaliklar O'zbekistonga sayyoh sifatida tashrif buyurishni juda yaxshi ko'radi. Qadimiy tarixiy shaharlar, shuningdek, go'zal zamonaviy poytaxt — Toshkent rossiyaliklar uchun sevimli sayyohlik maskani hisoblanadi. O'zbeklarning an'anaviy mehmondo'stligi haqida esa turli afsonalar bor.

Ishonchim komilki, Prezident Vladimir Putinning O'zbekistonga davlat tashrifi juda samarali bo'ladi hamda ikki tomonlama munosabatlar rivojiga yangi sur'at bag'ishlaydi.

Andrey RUSAKOV, rossiyalik siyosatshunos, Yevropa — Osiyo tadqiqotlari markazi direktori:

— Vladimir Putin Rossiya Prezidenti lavozimiga kirishganidan so'ng uchinchi davlat tashrifini Prezident Shavkat Mirziyoyevning taklifiga binoan O'zbekistonga amalga oshirmoqda.

O'zbekiston — Rossiya munosabatlarini serqirra

bo'lib, energetika sohasida o'zaro hamkorlik, transport infratuzilmasini rivojlantirish, turizm, sanoat ishlab chiqarishi, qishloq xo'jaligi va boshqa ko'plab sohalarni o'z ichiga oladi.

### Munosabat

## Aloqalarimiz tobora izchillik kasb etmoqda

Ma'lumki, O'zbekiston va Rossiya o'rtasidagi aloqalar uzoq tarixga ega bo'lib, borgan sari izchillik kasb etmoqda. Rossiya Federatsiyasi Prezidenti Vladimir Putinning davlat tashrifi bilan yurtimizda bo'lishi ana shu do'stlik rishtalarini yanada mustahkamlashda alohida o'rin tutadi. Bu xususda senatorlar o'zlarining fikrlarini quyidagicha bayon etishdi.

Odiljon IMINOV, Oliy Majlis Senatning Fan, ta'lim va sog'liqni saqlash masalalari qo'mitasi raisi:

— O'zbekiston va Rossiya o'rtasidagi o'zaro strategik sheriklik aloqalari ta'lim sohasida ham rivojlanib borayotganini alohida qayd etish zarur. Buni joriy yilda ikki mamlakatning oliy ta'lim tizimlari o'rtasidagi hamkorlik bo'yicha muloqotlar o'tkazilgani, O'zbekiston va Rossiya ta'lim forumi hamda O'zbekiston va Rossiyaning muhandislik-texnika sohasiga ixtisoslashtirilgan oliygo'hlari konferensiyasi tashkil etilgani misolida ham ko'rish mumkin. E'tiborsiz, ana shu anjumanlar hamkorlikni rivojlantirish masalalarini chuqur muhokama qilish uchun muhim muloqot maydoni vazifasini o'tamoqda.

Xususan, yaqinda bo'lib o'tgan konferensiya O'zbekiston va Rossiyaning muhandislik-texnika sohasiga ixtisoslashtirilgan oliygo'hlari hamkorligida transport, logistika, mashinasozlik, geologiya, metallurgiya, energetika, kimyo, axborot texnologiyalari va boshqa yo'nalishlarda "Ilg'or muhandislik maktablarini" tashkil etish, "korxonalar — universitet — ilmiy tashkilot" klaster

tizimini hamda innovatsiya markazlarini yaratish bo'yicha takliflar ilgari surilganligi bilan ko'pchilikning yodida qoldi.

Bugungi kunda yurtimizda 29 ta xorijiy oliy ta'lim muassasasi filiallari bo'lib, shundan 14 tasi Rossiyaning yetakchi oliy o'quv yurtlari filiallari hisoblanadi.

Aytish kerakki, ikki mamlakat ta'lim makonining izchil uyg'unlashuvi va integratsiyalashuvi ikkala davlat uchun ham birdek manfaatlidir. Kadrlar tayyorlash bo'yicha qo'shma ta'lim dasturlari, universitetlararo ta'lim va ilmiy loyihalari, pedagog kadrlar malakasini oshirish dasturlari amalga oshirilayotgani hamda qo'shma forum va anjumanlarning muntazam o'tkazib kelinayotgani shu yo'dagi muhim qadamlardan, desak, mubolag'a bo'lmaydi.

Tashrif doirasida O'zbekiston Prezidenti Shavkat Mirziyoyev va Rossiya Prezidenti Vladimir Putinning o'zaro muloqoti boshqa sohalarda qatori ta'lim tizimidagi aloqalarimizga ham o'zgarish sur'at berishiga ishonamiz.

borasidagi muloqoti har ikki davlatning manfaatlarini uchun birdek ahamiyatli, desak, ayni haqiqat.

Anvar TO'YCHIEV, Oliy Majlis Senati a'zosi: — Aytish joizki, bu galgi tashrif davomida O'zbekiston Prezidenti Shavkat Mirziyoyevning Rossiya Prezidenti Vladimir Putin bilan o'zaro strategik sheriklik

## O'ZBEKISTON OG'IR SINOVLARNI YENGIB O'TADIGAN SSENARIYLARNI TO'G'RI TANLAYAPTI

O'zbekiston nafaqat mintaqadagi markaziy mavqei yoki eng katta bozorga egaligi, balki katta ishchi kuchiga ega mamlakat ekanligi bilan ham muhim hisoblanadi. Mamlakatda malakali kadrlar va texnik imkoniyatlar mavjud. Avtomobilsozlik, oziq-ovqat yoki to'qimachilik bo'ladimi, ishlab chiqarishdami, tajriba mavjud. Bu an'ana va malakalar esa ishlab chiqarish faoliyatini rivojlantirishda nihoyatda muhim. O'zbekistonning bu qiyosiy ustunligi mamlakatni Markaziy Osiyodagi ishlab chiqarish markaziga aylantirishi mumkin. Ya'ni O'zbekistonning investorlar uchun zarur bo'lgan afzalligi



shundaki, so'nggi yetti yilda oliy ta'lim qamrovi 9 foizdan 42 foizga oshdi, oliy o'quv yurtlari soni 200 tadan ortdi. Demak, yurtimizda xorijiy investorlarni ishonchli

va uzoq muddatli hamkorga aylantirishda zarur bo'ladigan barcha shart-sharoit bor.

3-sahifaqa qarang. ➡

### Fakt va raqamlar



## IQTISODIYOTDA CHUQUR TRANSFOMATSIYA JARAYONLARI DAVOM ETTIRILADIR

"O'zbekiston — 2030" strategiyasi doirasida:

2030-yilga borib, aholi daromadlarini ikki barobar oshirish rejalashtirilgan;

2030-yilgacha 20 gigavatt dan ortiq qayta tiklanuvchi energiya quvvatlarini yaratish va energetika balansida uning ulushini 40 foizga yetkazish ko'zda tutilgan;

Xalqaro tajriba asosida yangi tahrirdagi "Yer osti boyliklari to'g'risida"gi qonun qabul qilinadi;

Xizmatlari va dasturiy mahsulotlari eksporti 5 milliard dollarga yetkaziladi;

IT-park rezidentlari soni o'n barobar ko'payib, kelgusida 100 ming yangi ish o'ri yaratiladi.







